



UNIVERSITÄTS-
BIBLIOTHEK
PADERBORN

Universitätsbibliothek Paderborn

Abdiae Babyloniae Primi Episcopi Ab Apostolis Constitvti, de historia certaminis Apostolici, libri decem

Abdias <Babylonius>

Coloniae, 1576

VD16 B 5299

Ex Præfatione D. VVolfgangi Lazii, Qvi Abdiam Primùm è tineis erutum orbi
communicavit, libuit subsequencia attexere, vtpote lectori cognitu
necessaria in Abdiæ lectione.

urn:nbn:de:hbz:466:1-45288

EX PRÆFATIO
NE D. VVOLFGANGI
LAZII, QVI ABDIAM PRI-
mum è tincis erutum orbi communica-
uit, libuit subsequencia attexere, vt-
pote lectori cognitu necessaria:
in Abdia lectione.

Taque in ipso labyrintho nego-
ciorum & molestiarum mearū,
aliquot horas describendæ Afri-
canianæ translationi dedi. Quo
rursus in labore, cum legerem in historia
Simonis & Iudæ, Abdiam Christum Sal-
uatorem nostrum in carne vidisse: cum-
que esset vnus ex Septuaginta duobus di-
scipulis Simonem & Iudam in Persida,
abeuntes, vt verbum Domini eius inco-
lis adnunciarent, secutum, Babyloniz po-
stremò ab eisdem Apostolis Episcopum
esse relictum: iam maior incefferat euul-
gandi huius authoris cupido. Non enim
vitio accessisse hoc auctori, ex serie histo-
riæ animaduvertebam: propterea quod
subinde prima persona pluralis introdu-
catur, vt cum Apostolis hunc profectum
esse, & interfuisse rebus eorum gestis, &
potissimum qui in Asia Euangelium ad-
nunciabant, liquidò appareat. Vt sub fi-

(.:.), 3,

nem,

P R A E F A T I O.

nem libri tertij, cui beati Andreae passio-
nem descripsisset: Et hæc dicens, diutis-
simè Dominum clarificans & gaudens,
nobis flentibus reddidit spiritum. Et in
libro quinto, cum Drusiam doceret à
sancto Ioanne Euangelista à mortuis sus-
citata: Cum igitur (inquit) appropinqua-
sent sepulchro, subito præcepto Ioannis
apertæ sunt fores, & iuxta sepulchrum
Drusianæ vidimus speciosum adolescen-
tem aridentem. Et iterum eodem libro,
cum S. Ioannis sepulturâ describeret: Vbi
autem, sicut voluit, facta est fouea, nihil
quoquam nostrum sciente, exiit vestem,
& stravit eam in illa fouea. Idem libro
nono, in historia Diui Thomæ: Neq; enim
serui Dei dormire tum poterant, quos
sic CHRISTVS excitabat, neque pa-
tiebatur nos somno dimergi. Transco-
rationes, quas apostoli vel ad Christum
in martyrij coronis fundebant, vel ubi
mortuos suscitabant, aut populos ad fi-
dem vel suscipiendam vel retinendam ad-
hortabantur, miro artificio, ac planè re-
thoricè scriptas, energiæ ac grauitatis ple-
nissimas. Hæc inquam, & his similia
cum inter exscribendum legissem, iam
nihil quicquam dubitans, hunc ipsum
dignum luce autorem iudicare: & eo qui-
dem

P R A E F A T I O.

dem magis, quòd Ioachimus Perionius Gallus, homo alioquin doctissimus, ex fragmentis, cum illius (vt arbitror) Africananae translationis, tum ex his quas Legendas Ecclesia appellat alijsque in fide nostra authoribus, librum superiori anno de Apostolorum historia euulgasset, latinissima quidem phrasi scriptum, sed ubi multa desiderantur (pace optimi viri dictum sit) adeò vt affirmare ausim, vix tertiam partem, aut etiam minus, huius nostrae historiae attingere, id quod candido lectori perspicuum euadet, si Diuorum Andreae, Ioannis, & Thomae historias utrobique contulerit, Fateor quidem, in Diui Pauli historia fuisse summum esse Perionium, & longo interuallo Africanum superare, vel Abdiam: vt qui breuior in eius vita propterea (vt arbitror) fuit, quòd procul in Asia remotissimè à Diuo Paulo scripserat: vel quòd epistolae huius Apostoli instar historiae Christianis essent, ex quibus etiam suam de hoc Apostolo magna ex parte Perionius historiam sumpsit. Hec fortè scrupulum lectori vel Abdias, vel Africanus eius interpretes fecerint, quòd in prioribus duobus libris, multa quae in Actis extant, recensentur: sed tamen breuius, & cursim, vt ita dicam: vt

* 4 vel

PRÆFATIO.

vel Abdiã hæc ex Luca sumpsisse, vel Lucam ex Abdia, credendum sit, cum vterque eodem tempore vixerit, & apostolorum discipulis extiterit:

Neque verò vel materia, quæ sacra est, & historiæ nondum satis cognita, displicebit. Arridebit, ni fallor, & ipsa phrasis quæ tametsi patrum Ecclesiæ vetustiorū elocutionem referat, tamen culta est, & multò quàm ea quæ est in Actis Apostolorum, aut ipsa etiam Euangeliorum historia, ornatio. Sat scio obijciat quispiã, historiam Apostolorum in Actis contineri, vt ipse etiam Abdiæ nostri interpretæ in præfatione sua testatur: verùm quæ singuli, postquam in gentes diuisi abierant, diuersis in regionibus præclare, & ad fidei ædificationem necessaria gesserunt, neque in Actis, neque vllò in recepto aut peruetusto autore habere existimarim. Nam Legendis vulgaribus, vt ingenuè fateor, multa accesserunt, postquam illæ primæ & veritate fundatæ historiæ fuissent deperditæ: atque ista accessoria, dici non potest, quàm fidei sanctissimæ historiæ detraxerint, & beatissimos apostolos apud malos & hæreseos maculis resperfos in contemptu adduxerint, vt seculum nostrum abundè satis testatur.

I V L I I